



Rōjañ jen Federal Trade Commission (Opij eo an kien eo an Federal ej lale kakien im kamo kalijeklok ko ilo bejne)

Wāween Kōkmanmanlok ālikin juon Jorrān Kauwōtata

Ejellok ien ebidodo wāween ad kōmadmōde juon jorrān kauwōtata. Eñin ej jidik rōjañ ñan jibañ am jab ioone koot ko ekkā aer walok ālikin juon jorrān kauwōtata, kejbarok melele ko am make, im wāween ko ñan jibañ kwe kin jān.

Wāween am Jab Ioone Koot ko Karreo im Kōmman Jorrān

- **Enjab mokaj am tomak jabdewōt armij eo ej kallimur an mokaj an karreo im kōmmane jorrān ko.** Jet remaron lewaj wonnen ko relukkun lab, kajjitōk am kolla mokta, ak ejellok kapeel ko ñan kōmmane aikuj ko.
- **Lale rikoontoreak ro.** Mokta jen am kolla, kajjitōk ID, lai jen, im kein kamool in injuran ko aer. Jab tomak jabdewōt kallimur ko rej lewaj ñe rejab bed ilo jeje.
- **Jab kolla kin wire transfer, kaat in wia, cryptocurrency, ak kin jān.** Im jab lelok kolla eo āliktata mae ien ededelok jermal im ebuñ buruom.

Wāween am Loe Juon Armij eo rej Rikoot

- **Jela ke FEMA ejab lewaj wonnen ablikajon.** Ñe juon armij ekōnaan jān ñan jibañ am tōbrak ñan jān ko an FEMA, koot. Jikin eo emmontata am ebōk melele ej [FEMA.gov](https://www.fema.gov).
- **Kejbarok melele ko am make.** Rikoot ro wōt renaj ba er rijerbal in kien innem kajjitōk am lelok jān ñe ejab kredit kaat, akkoun ilo paan, ak nomba in Social Security eo am.
- **Jela kin kakōlle ko ke koot laajrak in imōn reen.** Ñe jabdewōt enaj kajjitōk security deposit ak wonnen reen mokta jen am ioone er ak jaini juon leij, ej koot. Jab kenono ibbeir.

Wāween ko ñan Jibañ Kwe kin Jān

Kwōmaron kar etal jen mweo imōm ilo am jab bōke ID, jek, kaat in kredit im debit ko, im peba ko jet. Im kwōmaron jab jibwe akkoun eo am ilo paan ak jek in kolla eo am iomwin jidik ien. Ta eo kiō?

Lale Jān

- **Ripoot kin kaat in kredit, ATM, ak debit ko rejako** ñan jikin eo ear lewaj kaat eo ilo ien eo emokajtata.



- **Kenono wōt ibben jikin jermal eo am.** Ñe emōj an kilōk jikin jermal eo am, ak kwōjab maron etal, kajjitōk an wōnmaanlok an iwōj jek in kolla eo am im jibañ ko jet.
- **Kall ae lok taktō eo am elañe kwōj bōk jibañ ko ikijen social service ak kolla im jibañ ko jet.** Kall ae lok Social Security ilo 1-800-772-1213 ñe ejab Veterans Affairs ilo 1-800-827-1000.



Lale Kredit

- **Bök ripoot in kredit eo am ejellok wonnen ilo [AnnualCreditReport.com](https://www.annualcreditreport.com).** Mennin emaron jibañ elañe emōj an jako peba in jāān ko im kwōj aikuj kalikar jikin ko kwōj muri ibbeir.
- **Kenono ibben jikin ko rej lewaj kredit, landlord ro, im jikin jarom ko ilo ien eo emokajtata.** Remaron naj mōnōnō in jermal ibbam bwe kwōnjab kollaiki wonnen rumij, karumijlok ien aer bök kolla, aer bōki ta ko kwōj muri wōt kaki, im an paan bök ta ko kwōj muri kaki.

Wāween Kōkkāāl Peba koRejorrāān ak Rejako

Eñin ej juon laajrakin melele ko kin ia eo kwōn etal ñan ta.

- **Peba in bwidej im em ko emōj kamool:** Jikin peba in kakien kin bwidej im mweiuk ko an armij ilo bukon
- **Loon in em ko:** Jikin eo ear lewaj ak loon in mweo
- **Leij ko:** Landlord ñe ejab kombani eo ej lale mweo
- **Peba taitol in wa/laijen in kattōr:** Secretary eo an state ñe jab opij eo ej bök eddoin wa im laijen
- **Peba in lotak:** Opij eo ebed peba in lotak im mij jen bukon eo kwar lotak ie
- **Kaat in Social Security:** Opij eo an Social Security ilo Jukjukinbed eo

Ñan melele im rōjañ ko relablok, lale ftc.gov/WeatherEmergencies

Mennin Jibañ ko ilo Jukjukinbed

Hawaii Department of Commerce and Consumer Affairs (Opij eo ilo Hawaii ej bök eddoin kakien ko rej kejbarok Bejnef im Riwia) cca.hawaii.gov
Consumer Resource Center 808-587-4272

Hawaii Emergency Management Agency (Opij eo ilo Hawaii ej bök eddoin lale idin jorrāān) ready.hawaii.gov
808-733-4300

